

洞玄靈寶道士受三洞經誡法籙擇日曆

伏尋三洞經教 四輔法文 元始所說 道君傳授 而眾聖修行  
群真禮誦 祕之三境 流布十方 代歷塵沙 年踰浩劫 方乎日  
月 諭之水火 凡聖共觀 人天等用 法雖無量 軌範不殊 世雖  
有革 威儀恒一 至如出家入道 須有受持 大德法師 宜相指授  
弟子既來丹倒 師主當備科儀 理須敬奉經文 遵承典格 必使  
三盟 可則六證匪虧 學道有師 持經不犯 而辭誓已納 齋奏在  
期 各從所請 預宜擇日 期之經法 難以改移 須自分明 詛容  
混漫 頃諸師者 先用甲子為良 或以正一受道曆 通傳三洞 且  
如甲子 道德三皇用之 受道之曆 治籙符圖等事 至於上清 靈  
寶 自有吉辰 豈得雷同 莫分涇渭 而吳蜀二境 京洛兩都 遞  
相承用 因循靡革 萬福仰惟積善 慶及庸微 既廁道流 又參真  
祕 自升淨域 向五十許年 從師結誓 亦四十餘載 敢窺瓊檢  
竊誦金章 香燈之暇 輒此撰錄 祇望示之門人 未敢聞之于外  
先修三洞眾戒 已具二十一卷中 恐披卷軸繁多 罕能存錄 今指  
行此一卷 庶弟子誌之

洞玄靈寶道士受三洞經誡法籙譯日曆

清微藏書閣

正一仙靈符籙等

甲子和合 乙丑上剋下 丙寅 丁卯和合 戊辰自刑 己巳和  
合 庚午下剋上 辛未和合 壬申 癸酉和合 甲戌上剋下 乙亥  
和合 丙子下剋上 丁丑相生 戊寅下剋上 己卯下剋上 庚辰相  
生 自刑 辛巳下剋上 壬午上剋下 癸未下剋上 甲申 乙酉下  
剋上 丙戌上生下 和合 丁亥下剋上 戊子上剋下 己丑專和合  
吉 庚寅上剋下 辛卯上剋下 壬辰下剋上 癸巳上剋下 甲午  
上生下 乙未上剋下 丙申 丁酉上剋下 凶 戊戌專吉 是天門  
不入靖己亥上剋下 自刑 庚子和合 辛丑下生上 和合 壬寅  
癸卯上生下 和合 甲辰上剋下 自刑 乙巳上生下 吉 丙午專  
火自刑 丁未上生下 吉 戊申 己酉上生下 自刑 庚戌下生上  
吉 辛亥上生下 自刑 壬子專水 吉 癸丑下剋上 甲寅 乙  
卯專木 吉 丙辰自刑 丁巳專火 吉 戊午下生上 自刑 己未  
專土 吉 庚申專金 吉 辛酉專金 自刑 壬戌下剋上 癸亥專  
水 自刑

凡受道合和 上下相生 大吉 專小吉 自刑 上下相剋 凶

不可度法籙經戒

陽平鹿堂等二十四治 及遊散宿治

正月 二日子日 五十倍 丑日 二十倍 寅日殺子 卯日殺  
 婦 辰日大吉 巳日自如 午日九倍 未日殺身 申日殺婦 酉日  
 小吉 戌日七十倍 亥日五十倍  
 三月 四月子日五十倍 丑日殺母 寅日大通 卯日小吉 辰  
 日小凶 巳日十倍 午日師自殃 未日三十倍 申日三十倍 酉日  
 五十倍 戌日二十倍 亥日二十倍  
 五月 六月子日殺母 丑日害母 寅日大凶 卯日殺父 辰日  
 殺母 巳日小凶 午日殺子 未日殺子 申日殺母 酉日五十倍  
 戌日二十倍 亥日不吉  
 七月 八月子日大通 丑日大凶 寅日小凶 卯日殺父 辰日  
 殺母 巳日二十倍 午日殺母 未日五十倍 申日殺子 酉日殺母  
 戌日二十倍 亥日五十倍  
 九月 十月子日自如 丑日自如 寅日小凶 卯日二十倍 辰  
 日五倍 巳日六十倍 午日大凶 未日三十倍 申日二十倍 酉日

洞玄靈寶道士受三洞經誡法籙譯日曆

清微藏書閣

二十倍 戌日殺子 亥日殺婦  
 十一月 十二月子日殺子 丑日殺婦 寅日小凶 卯日五十倍  
 辰日五十倍 巳日殺婦 午日殺父 未日七十倍 申日三十倍  
 酉日三十倍 戌日大凶 亥日殺婦  
 凡十二件 度道吉凶日 明尋之 勿犯二條 出 正一法文度  
 籙度治儀

老君金鈕 及經目並經等

右凡受道營齋 用王相 本命 甲子 朔望日皆佳 出太玄部  
 老君傳儀注訣

神咒 符契 圖經等

右用正月上甲 及每月一日 十五日 卯酉時良 出 神咒經  
 洞神三皇符圖經等

右齋之辰及傳授 皆擇王相 本命 甲子 甲申 甲寅 此為

三元最吉 出 洞神經 十四卷

洞玄靈寶自然券中盟經真文二籙 靈策神杖等  
 右春用甲寅 乙卯 夏用丁巳 丙午 四季用戊辰 戊戌 己

未 己丑 秋用庚申 辛酉 冬用癸亥 壬子 建王之日 登壇也  
五法 右受六甲符 當以甲子日 夜於庭壇 風雨入室 禁山云 以  
夜半設祭 不言其日 五嶽用月上 建夜半 三皇云 夜半於庭壇  
敷席 不言日 五符云 吉日清冷夜半時 於庭壇敷席 出 陶公  
傳儀 今以六甲附老經禁山三皇 同洞神法 五嶽五符 依靈寶法  
也

### 河圖寶錄

右以元正之夜 行之最吉 諸月三日 二十七日 此是尊皇降  
見之日 及甲子 甲午 庚申 本命 太歲 八節日 皆大吉 出  
九皇醮儀 上清七券經目 及經三籙諸法 太素玄都紫絞交帶等  
正月九日 十日 二月八日 九日 三月七日 八日 四月六  
日 七日 五月五日 六日 六月四日 五日 七月三日 四日  
八月二日 三日 九月一日 二日 十月十日 十一日 十一月十  
一日 十二月十二日 十三日 已上謂之天關九開之  
日 亦曰朝太素日 陶云 今歲某子直辰 天關九開 每月止一日

## 洞玄靈寶道士受三洞經誡法籙譯日曆

### 清微藏書閣

臧宗道云 傳三洞經法 用天關九開日 出 上清經 及 真誥  
中 凡厥受道 皆有三盟 初中微心以誠信 又須六證 監視威儀  
正其虧闕 既人有利鈍 致法有尊卑 而漸頓宜殊 勤怠須隔  
自微至著 以近涉深 聖人垂旨 接引如流 即初請法 各有階差  
依其次第 不可乖越 但以世中道士 衣食累身 且救目前 未  
思死後 少能向道已 是勇猛難勝 若不心提 便恐歸依路絕 所  
以一壇之內 數法不同 三盟之中 參受各異 若人人別受 法法  
殊壇 非唯師與弟子弊其形勞 抑亦仙官煩於召請 欲使古今取則  
凡聖合宜 事以道通 法因人制 庶上則諧於聖旨 下則得於凡  
心 即天尊善權 至道含育 其為博也 如抱愚不變 執滯匪移  
實恐拯接路迷 信向情斷 其有假道賣法 求利取人 罔冒賢良  
欺謾愚騃 而高張聲譽 遠俟招呼 妄設執模 空為法則者 置之  
言外 吾所不論也 竊見男女同壇 或師弟不相對齋 或師弟各自  
遊行 或結齋之後 始來告赴 或不投辭誓 或抱素盡空 或師借  
經法 及假人經法 或師為出法信 或數師同壇 或不書表刺 不

分契券 或法次交互 不期良日 或虛注保證 及廣書名德 如此  
之流 情所不忍 復有無經法 恃其豪富勢力 及名望高遠 恥人  
不歸 強相招引 為他傳授 亦有曾受一法 兩法 或道德十戒  
乃唱言自云 凡諸道法 我並師受 或薄解符章禁祝小技 出入天  
庭 或富貴人驅使 或百姓信向 豐衣足食 少有僮僕 使人傳唱  
招致弟子 為傳經法 或恃以年高德重 俄然戴冠 為人師範  
此之流例 舉目皆是 豈思冥咎罪殃 及乎己身 分甘冥苦 其奈  
七祖 九玄 所生父母 何世有殺父弑君 反天違地 自取夷滅者  
亦同怪乎哉 既一壇之內 參受不同 宜就尊法 告齋立限 取  
其良日 其中小法 齋內傳授 昔嘗遊江淮吳蜀 而師資付度 甚  
自輕率 至於齋靜 殊不盡心 唯專醮祭 夜中施設 近來此風少  
行京洛 良由供奉道士 多此中人 持茲鄙俗 施於帝里 又云  
靖 忌道父母 忌不入靖燒香 愚人景慕 用為奇訣 其道父母  
靖 忌上禁祭酒 奏章設醮 元不及三洞上法 至如戊辰 己巳 戊  
戌 己亥 隨日流行 而十齋八節 五通太素朝第山等 天之定日  
求仙要領 若與之會 得不朝真者乎 此蓋濟世小道 非修身上

### 洞玄靈寶道士受三洞經誡法籙譯日曆

清微藏書閣

法 汝之弟子 宜識之焉 其或十齋八節 既是眾聖按行 條記功  
過 亦曰良辰 雖經不指言例之 為善傳道 所用必諧聖旨 復有  
上帝殺伐日云 不可舉百事 此祇合藥營建 諸所禁防 至於受道  
固應無礙 而始學初門 幸能避之佳也 三洞上法久悟 法人自  
不拘也 按金明道科 但法具周辦 即登齋告盟 未使擇日 賢者  
詳之

洞玄靈寶道士受三洞經誡法籙譯日曆竟

天運辛卯年子月正一天師清微弟子洪鼎堅羅大英恭錄彙編